

## MEMORIA DE TRANSPARENCIA DO CONVENIO DE COLABORACIÓN EDUCATIVA ENTRE A UNIVERSIDADE DE SANTIAGO DE COMPOSTELA E AXENCIA GALEGA DE DESENVOLVEMENTO RURAL PARA A REALIZACIÓN DE PRÁCTICAS ACADÉMICAS EXTERNAS CURRICULARES OU EXTRACURRICULARES DO ALUMNADO DA FACULTADE DE XEOGRAFÍA E HISTORIA E A ESCOLA POLITÉCNICA SUPERIOR DE ENXEÑERÍA

A Axencia Galega de Desenvolvemento Rural (en diante Agader), adscrita á Consellería do Medio Rural, é unha axencia pública autonómica dos previstos no artigo 45 a) da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, creada pola disposición adicional sexta da Lei 5/2000, do 28 de decembro, de medidas fiscais e de réxime orzamentario e administrativo que promove e coordina o desenvolvemento rural en Galicia para mellorar a calidade e as condicións de vida dos habitantes do medio rural e contribuír á cohesión do territorio galego. A dita lei de creación está modificada, entre outras, pola Lei 11/2021, do 14 de maio, de recuperación da terra agraria de Galicia (DOG núm. 94, do 21 de maio), en cuxo artigo 6 configúrase a Agader como unha axencia pública autonómica, de conformidade coa Lei 16/2010, do 17 de decembro, de organización e funcionamento da Administración xeral e do sector público autonómico de Galicia, coa consideración de medio propio e servizo técnico da Comunidade Autónoma de Galicia.

De conformidade co disposto na Lei 11/2021, a Agader promove, mediante a creación das aldeas modelo, a recuperación da actividade económica e social dos terreos de antigo uso agrícola, gandeiro e forestal e daqueles que se encontren en situación de abandono e infrautilización, así como dos núcleos incluídos nelas, co obxectivo de permitir a súa recuperación demográfica e a mellora da calidade de vida da súa poboación. Ten competencias para a iniciación do procedemento para a aprobación dos polígonos agroforestais de iniciativa pública e diseña, programa e executa as medidas de recuperación da xestión da terra agroforestal de Galicia supervisando, coordinando e difundindo as políticas e estratexias de desenvolvemento rural, en especial as orientadas á recuperación das terras forestais e da superficie agraria útil como base da bioeconomía.

ANTECEDENTES.- A adecuación dos programas educativos ás necesidades do mundo laboral constitúe unha das preocupacións da Universidade de Santiago de Compostela e a Agader.

Ambas partes consideran necesario un maior achegamento entre o ámbito laboral e a universidade para facilitar a futura inserción laboral do alumnado universitario egresado mediante a alternancia da súa formación teórica con prácticas externas, acadando ao mesmo tempo a mellor cualificación e inserción no ámbito laboral.





As partes deste convenio queren contribuír a que, por medio da súa colaboración, se cumpra este obxectivo, complementando a formación teórica do alumnado mediante as prácticas en entidades que lles permita coñecer a realidade laboral. Con este convenio de colaboración preténdese enmarcar a cooperación educativa na que se delimiten as garantías recíprocas do alumnado e Agader no desenvolvemento do período de prácticas.

Para os efectos sinalados, Agader ten previsto formalizar coa Universidade de Santiago de Compostela o instrumento convencional arriba referido que terá efectos desde a súa sinatura e a súa duración será de catro anos, e en todo caso polo tempo que duren as prácticas do alumnado, podendo prorrogarse de forma expresa para os seguintes catro anos de común acordo polas partes e en tanto non se denuncie expresamente como mínimo con tres meses de antelación. En todo caso, non se poderá rescindir mentres existan estudantes realizando prácticas.

**OBJECTO.-** O convenio ten por obxecto establecer un programa para a realización de prácticas académicas externas do alumnado da Facultade de Xeografía e Historia e a Escola Politécnica Superior de Enxeñería da Universidade de Santiago de Compostela, sexan presenciais ou telemáticas, en colaboración coa Axencia Galega de Desenvolvemento Rural, en temáticas relacionadas coas funcións e competencias desta última. As prácticas poderán ser:

- Curriculares, contempladas nos plans de estudo.
- Prácticas conducentes á elaboración dos Traballos fin de grao / Traballos fin de máster, segundo se contempla nos plans de estudo e demais normativa de aplicación.
- Extracurriculares, ou complementarias

O convenio fixa os mecanismos de colaboración entre as partes coa finalidade de establecer unha adecuada programación, desenvolvemento e verificación da colaboración.

O instrumento convencional que se pretende asinar fundaméntase no seguinte:

As partes deste convenio consideran necesario un maior achegamento entre o ámbito laboral para facilitar a futura inserción laboral do alumnado universitario mediante a alternancia da súa formación teórica con prácticas externas, acadando ao mesmo tempo a mellor cualificación e inserción no ámbito laboral.

Con este convenio preténdese enmarcar a cooperación educativa na que se delimiten as garantías recíprocas do alumnado e a Agader no desenvolvemento do período de prácticas.

Entre as funcións desta axencia atópase a creación das aldeas modelo que promove a recuperación da actividade económica e social dos terreos de antigo uso agrícola, gandeiro e forestal e daqueles que se encontren en situación de abandono e infrautilización, co obxectivo de permitir a súa recuperación demográfica e a mellora da calidade de vida da súa poboación atribúe unha importe experiencia didáctica e práctica para poder levar acabo este convenio.





Así mesmo, a Agader tamén ten competencias para a iniciación do procedemento para a aprobación dos polígonos agroforestais de iniciativa pública e deseñar, programas e executar as medidas de recuperación da xestión da terra agroforestal de Galicia supervisando, coordinando e difundindo as políticas e estratexias de desenvolvemento rural, en especial as orientadas á recuperación das terras forestais e da superficie agraria útil como base da bioeconomía.

Estas competencias enmárcanse dentro dos programas educativos que a USC desenvolve e quere por en marcha coa súa aplicación práctica cun seguimento docente por parte dun tutor designado por Agader.

A vinculación do alumnado en prácticas coa Agader non terá en ningún caso carácter laboral e, polo tanto, non se poderá acoller a ningunha modalidade contractual laboral das previstas no Estatuto dos Traballadores. As actividades estarán sempre orientadas á aprendizaxe práctica titorizada, polo que o alumnado en prácticas non poderá realizar tarefas de responsabilidade na entidade colaboradora, nin as propias e exclusivas do seu persoal.

A Agader designará un tutor ou tutora responsable de aplicar o plan formativo previsto e elaborar un informe de valoración que lle sexan solicitados sobre o traballo desenvolvido pola alumna ou alumno que será o encargado de emitir para cada alumna ou alumno unha certificación na que debe constar o tempo de colaboración e as actividades, traballos, investigacións, etc. realizados nela. A certificación deberá especificar que carecerá de efectos académicos, quedando supeditada, a estes efectos, á avaliación que realice a USC das prácticas.

**FINANCIAMENTO.-** Este convenio non conleva para ningunha das partes obrigacións de tipo económico e a realización de prácticas externas non implicará contraprestación económica algunha para o alumnado.

Existe converxencia de intereses das partes asinantes que exclúen o ánimo de lucro en orde á consecución do obxecto referido.

Por todo o exposto, estímase xustificada a utilización do instrumento do convenio para articular as actuacións de referencia, quedando o devandito convenio fóra do ámbito de aplicación da Lei 9/2017, do 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE y 2014/24/UE, do 26 de febreiro de 2014, con independencia de que, de acordo co previsto no artigo 4 da devandita norma, lle sexan de aplicación os principios desta Lei para resolver as dúbidas e lagoas que puidesen presentarse.

Para a tramitación deste convenio, obsérvase o cumprimento dos requisitos establecidos na Lei 40/2015, do 1 de outubro, de réxime xurídico do sector público.

Santiago de Compostela na data da sinatura dixital.  
A directora xeral

Inés Santé Riveira

